

Qhov project Text4College: Ntaub ntawv qhia rau cov Niam Txiv thiab Tus Saib Xyuas



Lub tuam tsev tshawb fawb hu ua (American Institutes for Research) (AIR) sib koom tes nrog rau lub tuam tsev saib kev kawm ntawv hauv lub xeev hu ua (Minnesota Department of Education), cov tsev kawm ntawv qib siab hu ua (Minnesota State Colleges thiab Universities), thiab nrog rau lub hoob kas saib kev kawm ntawv qib siab hauv lub xeev hu ua (Minnesota Office of Higher Education) los mus ua ib qho kev soj ntsuam kawm kom paub (study) seb txoj kev sau ntawv xa xov hauv lub xov tooj (text message) mus qhia cov tub ntxhais kawm ntawv kom lawv nco qab ntsoov txog cov ntaub ntawv lawv yuav tsum tau ua kom tiav kom mus kawm tau ntawv qib siab. Qhov kev soj ntsuam kawm kom paub no yog tau ib pob nyiaj pab tuaj ntawm lub Tuam Tsev Kawm Faim Vib Thab Nyas Xaj (Institute of Education Sciences) uas yog nyob rau ntawm Teb Chaws Meskas Lub Tuam Tsev Saib Xyuas Kev Kawm Ntawv (U.S. Department of Education). Tag nrho cov tub ntxhais kawm ntawv es kawm tiav qib kau mob yuav raug caw los koom nrog qhov kev soj ntsuam kawm kom paub no. Kev koom rau hauv qhov kev soj ntsuam no nyob ntawm siab yeem xwb. Yog tias koj xav tshem tawm es tsis koom yam sawv cev rau koj tus menyuam, thov ua kom tiav daim ntawv ntawm nploog tom ntej no.

Xav kawm kom paub ntawv txog Text4College project, thov nkag mus saib hauv www.text4college.com.

Kev koom rau qhov no mas yooj yim npaum li 1, 2, 3. Koj tus me nyuam kawm ntawv yuav...

1	Ua kom tiav ib daim ntawv nug (survey) ntev li 10-nasthis thaum lub sij hawm kawm ntawv hauv tsev kawm ntawv. Daim ntawv nug no yuav muaj 15 nqi lus nug. Yuav nug cov tub ntxhais kawm ntawv kom lawv qhia seb lawv yog haiv neeg thiab hom neeg twg, muaj hom kev pab txog kev kawm ntawv qib siab dabtsi nyob hauv lawv lub tsev kawm ntawv los yog hauv lawv lub zej zog thiab ua li lawv ho puas tau mus siv cov kev pab no, thiab ua li ne lawv lub hom phiaj lawv npaj ua dabtsi tom qab lawv kawm tiav. Cov lus teb ntawm no yuav pab rau cov kws tshawb fawb ntawm AIR kom lawv nkag siab tias cov tub ntxhais kawm ntawv twg yog cov uas sau ntawv hauv xov tooj mus qhia (text message) yuav pab tau ntau tshaj. Yog hais tias lawv xaiv qhov kev koom rau hauv qhov no, lawv yuav tau ib tug xov tooj ntawm tes kom lawv thiaj li yuav tau txais cov lus sau hauv xov tooj tuaj qhia lawv los ntsig txog kev cuv npe kawm ntawv qib siab.
---	--

2	Tau txais li 10 mus txog 15 tsab xov sau tuaj qhia hauv xov tooj (text message) thaum <u>lub caij ntuj sov (summer)</u> ua ntej pib kawm ntawv qib siab. Cov kws tshawb fawb yuav siv ib qhov kev rho npe seb rho tau cov tub ntshais kawm ntawv leej twg los mus txais cov ntawv sau hauv xov tooj (text message). Cov tub ntshais uas rho tau lawv lub npe yuav tau txais ib tsab xov sau qhia txog cov hauj lwm uas lawv yuav tsum tau ua kom tiav ua ntej yuav pib kawm thaum lub caij nplooj ntoos zeeg (fall semester). Yog hais tias cov tub ntshais muaj lus nug los yog xav tau kev pab, lawv yeej sau tau ntawv hauv lub xov tooj rov qab thiab yuav muab lawv xa mus rau ib tug neeg uas paub txog tej hauj lwm es yog tus counselor. Cov tub ntshais kawm ntawv yeej tawm es tsis koom tes nrog qhov kev sau ntawv hauv xov tooj qhia no txhua lub sij hawm. Cov tub ntshais uas tsis raug rho npe xaiv los txais cov lus sau hauv xov tooj tuaj qhia uas yog ib feem ntawm qhov kev tshawb fawb kawm kom paub no yeej yuav muaj cov kev pab tag nrho rau lawv raws li ib txwm muaj los ua ntej lawv pib mus kawm ntawv qib siab.
3	Tau txais li 10 mus txog 15 tsab xov sau tuaj qhia hauv xov tooj (text message) thaum lawv <u>kawm ntawv xyoo ib</u> hauv kev kawm qib siab. Cov kws tshawb fawb ntawm AIR yuav xaiv ib co tub ntshais kawm ntawv uas tau txais cov ntawv sau qhia hauv xov tooj (text message) thaum lub caij ntuj sov (summer) thiab tau cuv npe kawm qib siab kom lawv tau txais cov ntawv sau hauv xov tooj tuaj qhia mus ntiv thoob plaws lawv thawj xyoo kawm ntawv. Ib zaug ntiv, cov tub ntshais kawm ntawv yuav raug xaiv uas yog muab lawv cov npe tso ua ke es rho seb tau leej twg. Cov tub ntshais kawm ntawv uas rho tau lawv lub npe yuav tau txais cov ntawv sau hauv xov tooj tuaj qhia txog tej yam lawv yuav tau ua kom tiav thiaj li muaj npe kawm rau xyoo tom ntej hauv lub tsev kawm ntawv qib siab. Ib yam nkaus li cov lus sau hauv xov tooj tuaj qhia thaum lub caij ntuj sov, cov tub ntshais kawm ntawv yeej sau tau ntawv hauv lub xov tooj rov qab thiab muab lawv xa mus rau ib tug neeg uas paub txog tej hauj lwm es yog counselor no kom muab tau kev pab thiab teb cov lus nug uas lawv tsis paub txhua txhua lub sij hawm. Cov tub ntshais kawm ntawv yeej tawm es tsis koom tes nrog qhov kev sau ntawv hauv xov tooj qhia no txhua lub sij hawm. Cov tub ntshais uas tsis raug rho npe xaiv los txais cov lus sau hauv xov tooj tuaj qhia uas yog ib feem ntawm qhov kev tshawb fawb kawm kom paub no yeej yuav muaj cov kev pab tag nrho rau lawv raws li ib txwm muaj muab los ntawm lub tsev kawm ntawv qib siab uas lawv kawm.

Yog vim li cas kuv tus tub ntshais kawm ntawv yuav tau koom rau qhov no?

Qhov kev koom no yooj yim thiab tsis siv sij hawm ntau. Cov ntawv sau hauv xov tooj tuaj qhia (text message) yuav yog ib qho rov qhia kom lawv nco qab ntsoov ua cov ntaub ntawv tseem ceeb kom tiav es ntsig txog kev cuv npe kawm ntawv qib siab. Cov tub ntshais kawm ntawv yeej sau tau ntawv hauv lub xov tooj rov qab thiab yuav muaj cov neeg tiag tiag pab lawv yog lawv muaj lus nug. Kev koom rau qhov no kuj yuav pab tau kom koj tus tub ntshais kawm ntawv nkag tau mus kawm rau qib siab thiab pab kom nws tsis txhob tawm ntawv thaum kawm nyob qib siab!

Lub tuam tsev tshawb fawb AIR yuav yuav siv tub ntshais kawm ntawv cov ntaub ntawv data li cas?

AIR yuav siv cov lus teb ntawm daim ntawv nug los yog txiav txim siab seb koj tus tub ntshais kawm ntawv puas tsim nyob tau qhov kev txais cov ntawv sau hauv xov tooj tuaj qhia, thiab peb kuj yuav siv cov ntaub ntawv es tau sau qhia kom thiaj tiv tauj tau es yuav sau ntawv hauv xov tooj mus qhia rau cov tub ntshais kawm ntawv es raug xaiv es yog siv qhov chaw sau ntawv sib qhia hu ua Signal Vine.

Cov ntaub ntawv Data es AIR yuav muab qhia rau koj lub tsev kawm ntawv High school: Peb yuav tsis qhia ib tug tub ntxhais cov lus teb hauv daim ntawv nug mus rau koj lub tsev kawm ntawv high school. Peb yuav qhia tag nrho cov percentage ntawm cov tub ntxhais kawm ntawv seb coob npaum li cas xaiv ib qho lus teb twg es muab tso rau ib daim ntawv qhia tuaj rau koj tus menyuam lub tsev kawm ntawv high school. Peb kuj yuav qhia seb koj tus menyuam puas yog nws teb daim ntawv nug no es yog muab los ntawm nws tus high school counselor los tsis yog. Nkag mus saib daim ntawv nug survey no thiab xum tawm es tsis koom yeej muab xam tias yeej tau ua daim ntawv survey no lawm.

Cov ntaub ntawv Data es AIR yuav muab qhia rau koj tus menyuam lub tsev kawm ntawv qib siab thiab cov ntaub ntawv tau txais ntawm lawv lub tsev kawm ntawv qib siab: AIR tej zaum kuj qhia cov ntaub ntawv txog koj tus menyuam tias nws yog leej twg xws li lawv lub npe, lub tsev kawm ntawv high school, thiab nws lub hnub yug rau lub tsev kawm ntawv qib siab es koj tus menyuam tau hais qhia tias lawv npaj siab yuav mus kawm. Muab cov ntaub ntawv qhia txog koj tus menyuam rau lub tsev kawm ntawv qib siab kuj yuav pab kom peb muab tau cov ntawv sau qhia kom nco qab hauv xov tooj rau koj tus menyuam. Lub tsev kawm ntawv qib siab kuj yuav qhia cov ntaub ntawv txog kev kawm ntawv ntawm koj tus menyuam no rov qab rau peb, xws li seb lawv puas tau ua tiav tag nrho cov ntaub ntawv cuv npe tseem ceeb mus kawm ntawv qib siab, puas tau ua tiav cov ntawm thov nyiaj pab them nqi ntawv ntawm tsoom fwm hu ua Free Application for Federal Student Aid (FAFSA®) thiab puas tau ua kom tiav txhua them kom thiaj tau txais nyiaj txiag financial aid pab kev kawm ntawv, xeeb ntawv kom thiaj li paub tias yuav tau kawm cov hoob twg yog tias muaj, tau ntsib nrog tus neeg pab qhia advisor thiab tau cuv npe rau cov hoob/vib xas kawm, them nqi kawm ntawv, los yog twb cuv npe tag thiab twb mus kawm hauv chav kawm lawm.

Cov kev phom sij uas yuav muaj tau thaum koom rau qhov no yog dabtsi?

Yeej tsis muaj ib qho kev phom sij dab tsi thaum koom rau hauv qhov kev soj ntsuam kawm kom paub no.

Lub tuam tsev tshawb fawb AIR yuav tiv thaiv kuv tus tub ntxhais kawm ntawv cov ntaub ntawv qhia txog nws tus kheej li cas?

Lub tuam tsev tshawb fawb AIR yeej xyaum ua kom zoo tshaj plaws los mus ceev thiab tiv thaiv cov tub ntxhais kawm ntawv cov ntaub ntawv. Cov tub ntxhais kawm ntawv cov npe thiab lawv cov hnub yug tsuas yog muab qhia tawm koj los mus sib piv kom yog raws nraim li lawv lub xeev daim ID tus lej cim uas lub xeev tswj kev kawm thiab piv rau lub tsev kawm ntawv qib siab daim ID uas muab rau lawv. Tom qab qhov kev kawm kom paub no tiav tag lawm, cov ntaub ntawv no yuav muab rhuav tshem. Peb yeej yuav tsis muab cov ntaub ntawv no qhia rau ib tug neeg twg thiab siv rau ib yam twg li. AIR tsuas muab cov tub ntxhais kawm ntawv tus lej xov tooj ntawm tes qhia rau Signal Vine, lub chaw uas tswj qhov kev sau ntawv hauv xov tooj nkaus xwb. Cov tub ntxhais kawm ntawv cov lus teb nyob hauv daim ntawv nug (survey) yog AIR yuav muab siv los soj ntsuam xyuas seb cov tub ntxhais kawm ntawv leej twg thiaj li tsim nyog tau txais kev sau ntawv hauv xov tooj tuaj qhia thiab hom tub ntxhais kawm ntawv twg yog cov uas yuav tau txais txiaj ntsim ntau tshaj rau lawv yog lawv tau txais. AIR yuav tsis muab lawv tus xov tooj ntawm tes los yog ib tug tub ntxhais kawm ntawv twg cov lus teb nyob hauv daim ntawv nug rau lawv lub tsev kawm ntawv high school, cov tsev kawm ntawv qib siab, los yog muab rau ib tug neeg twg li. Yog xav paub ntau ntiv txog kev ceev cov ntaub ntawv (data) ntawm AIR, thov tiv tauj Dr. Jill Bowdon, tus neeg tshwj qhov kev kawm project no, ntawm jbowdon@air.org.

Koj puas muaj lus nug txog qhov kev soj ntsuam kawm kom paub no?

Thov sau email rau pawg neeg saib xyuas qhov kev kawm kom paub no ntawm text4college@air.org los yog hu rau peb ntawm tus xov tooj es hu dawb (866) 815-5094.

Koj puas muaj lus nug txog koj tus tub ntxhais kawm ntawv cov cai uas nws muaj thaum nws yog ib tug neeg koom rau hauv qhov kev tshawb fawb?

Yog tias koj muaj lus nug txog koj tus tub ntxhais kawm ntawv cov cai uas nws muaj thaum nws yog ib tug neeg koom rau hauv qhov kev tshawb fawb, koj kuj tiv tauj tau rau pawg neeg saib lub tuam tsev tshawb fawb ntawm AIR (Institutional Review Board, (IRB), uas yog cov muaj lub luag hauj lwm saib xyuas txog kev tiv thaiv cov neeg koom rau txoj hauj lwm tshawb fawb no, ntawm IRB@air.org; hu tus xov tooj es hu dawb 1-800-634-0797, los yog sau ntawv rau lawv ntawm c/o IRB, 1400 Crystal Drive, 10th Floor, Arlington, VA, 22202.

Koom, kuv kam kuv tus tub ntxhais kawm ntawv koom. Yog hais tias koj tus tub ntxhais kawm ntawv yuav koom rau qhov no, koj tsis tas yuav dabtsi ntxiv. Koj hauj lwm tiav lawm!

Tsis koom, kuv xav tawm es tsis koom nrog qhov kev kawm kom paub no es yog sawv cev rau kuv tus tub ntxhais kawm ntawv. Yog tias koj xav tshem tawm es tsis koom yam sawv cev rau koj tus menyuam, koj yeej ua tau es yog nkag mus rau <https://form.jotform.com/210535563934053> thiab sau kom tiav ib daim ntawv luv luv es peb yuav muab rau koj tus tub ntxhais kawm ntawv tus high school counselor.